

შოკოლადის ბორცვები



გინახავს ისეთი უჩვეულო ადგილი ზუნებში, რომელიც არასოდეს დაგავინყდება? ამ ტექსტში ზუნების ერთ-ერთ ასეთ საოცრებას გაეცნობი.

ჩვენს პლანეტაზე ბევრი **საოცარი** ადგილია. სწორედ ასეთია ფილიპინების ერთ-ერთი კუნძული ბოჰოლი. კუნძულზე 1268 ბორცვია. თითოეული გორაკის სიმაღლე 30 მეტრიდან 120 მეტრამდეა. ყველა ბორცვი ფორმით ძალიან **ჭკავს** ერთმანეთს. ერთხელ აქაურობა ერთმა ტურისტმა შოკოლადს შეადარა. ფიქრობენ, რომ, ალბათ, ამის შემდეგ **ქდახიან** გორაკებს შოკოლადის ბორცვებს. მართლაც, როდესაც ბალახი ხმება, გორაკები შოკოლადის ფერს იღებს.

ბორცვების შესახებ რამდენიმე ლეგენდა **არსებობს**. ერთ-ერთი ლეგენდის მიხედვით, **გოლიათ** აროგოს ულამაზესი ქალი ალოია შეუყვარდა. ალოია აროგოზე ადრე გარდაიცვალა. ქალის სიკვდილის გამო გოლიათი დღე და

ღამე ტიროდა. მისი ცრემლები კი გაქვავდა. ბორცვები სწორედ ეს გაქვავებული ცრემლებია.

მეცნიერთა ნაწილი **თვლის**, რომ წინათ ამ ადგილას ზღვა იყო. შემდეგ ზღვა დაშრა და მარჯნის რიფები გორაკებად იქცა. ზოგ მეცნიერს კი მიაჩნია, რომ გორაკები ვულკანის შედეგად **წარმოიქმნა**. თუმცა ზუსტი პასუხი არავის აქვს იმაზე, თუ როგორ გაჩნდა ბორცვები.

შოკოლადის ბორცვები მოსწონს უამრავ ტურისტს. აქ მათთვის არის ბევრი სასტუმრო, რესტორანი, საჩუქრების მაღაზია. ერთ-ერთ გორაკზე მოედანიცაა. იქიდან ლამაზი სურათების გადაღება შეიძლება. ასე რომ, ტურისტებს დასვენების ყველა პირობა აქვთ კუნძულზე.

რატომ ითვლება შოკოლადის ბორცვები ზუნების საოცრებად?

ტექსტის გაგება

ყოველ შეკითხვას შეურჩიე თითო სწორი პასუხი.

- 1 რის შესახებ არის გამოთქმული მოსაზრება ტექსტის პირველ აბზაცში?
 - ა) რატომ ჰქვია გორაკებს შოკოლადის ბორცვები.
 - ბ) როგორია შოკოლადის ბორცვები ზომით.
 - გ) სად არის შოკოლადის უცნაური ბორცვები.

- 2 რომელი წინადადება გადმოსცემს ფაქტს?
 - ა) ალბათ, შოკოლადის ბორცვები ვულკანისგან წარმოიქმნა.
 - ა) შოკოლადის ბორცვების ადგილას ადრე, სავარაუდოდ, ზღვა იყო.
 - გ) შოკოლადის ბორცვები ფორმით ძალიან ჰგავს ერთმანეთს.

- 3 მესამე აბზაცის მიხედვით, რის შესახებ გამოთქვამენ მეცნიერები მოსაზრებას?
 - ა) ბორცვების ასაკის შესახებ.
 - ბ) ბორცვების სახელწოდების შესახებ.
 - გ) ბორცვების წარმოქმნის შესახებ.

- 4 ბოჰოლი იმიტომ მოსწონთ ტურისტებს, რომ:
 - ა) ამ კუნძულზე არის საჩუქრების მაღაზიები.
 - ბ) ამ კუნძულზე არის უცნაური ბორცვები.
 - გ) ამ კუნძულის შესახებ არსებობს ლეგენდები.

- 5 ტექსტში არ ჩანს:
 - ა) რამდენი შოკოლადის ბორცვია კუნძულზე.
 - ბ) რა მოსაზრებები არსებობს ბორცვების შესახებ.
 - გ) როდის აღმოაჩინეს კუნძულზე უცნაური ბორცვები.

▶▶▶ ლექსიკა

1 გაარკვეე ხაზგასმული სიტყვების მნიშვნელობები.

1. ჩვენს პლანეტაზე ბევრი **საოცარი** ადგილია.

- ა) მნიშვნელოვანი. ბ) საკვირველი. გ) უძველესი.

2. იმ ადგილებში **გოლიათი** ცხოვრობდა.

ა) ძალიან ლამაზი ადამიანი.

ბ) ძალიან დიდი ადამიანი.

გ) ძალიან ჭკვიანი ადამიანი.

3. ბორცვები **წარმოიქმნა** ვულკანის შედეგად.

- ა) გაიზარდა. ბ) გამრავლდა. გ) შეიქმნა.

2 ხაზებით დააკავშირე მსგავსი მნიშვნელობის სიტყვები (სინონიმები).

ჰგავს	არის
ეძახიან	მიაჩნია
არსებობს	მსგავსია
თვლის	ჰქვია

3 რომელია საპირისპირო მნიშვნელობის სიტყვები (ანტონიმები)?

- ა) ადრე – გვიან. ბ) ბორცვი – გორაკი. გ) წინათ – ძველად.

▶▶▶ ბრამატიკა

1 რომელი სიტყვაა გამოტოვებული?

1. ერთხელ აქაურობა ერთმა----- შოკოლადს შეადარა.

- ა) ტურისტი. ბ) ტურისტმა. გ) ტურისტს.

2. ----- ულამაზესი ქალი შეუყვარდა.

- ა) გოლიათი. ბ) გოლიათმა. გ) გოლიათს.

გრამატიკა

2 სწორად შეარჩიე გამოტოვებული სიტყვა.

1. უამრავ ----- მოსწონს კუნძული ბოჭოლი. (ტურისტს/ტურისტებს)

2. ყველას ----- შოკოლადის ბორცვები. (მოსწონთ/მოსწონს)

3 დაასრულე ხაზგასმული სიტყვა.

აქ ტურისტების... არის მრავალი ლამაზი სასტუმრო.

4 დაწერე სწორი ფორმით. დააკვირდი კითხვებს.

1. მარჯნის რიფები (გორაკები) ----- იქცა. (რად?)

2. ყველა ბორცვი (ფორმა) ----- ჰგავს ერთმანეთს. (რით?)

წერა

1 ამოიწერე ტექსტიდან ორი მოსაზრება შოკოლადის ბორცვების შესახებ. დაწერე შენი აზრი, თუ რომელი არის სიმართლესთან უფრო ახლოს და რატომ.

2 დაფიქრდი, რომელია შენს კუთხეში ყველაზე ლამაზი ადგილი. აღწერე ეს ადგილი. გააფორმე შენი ნამუშევარი ნახატით.
